

300 шаху өрк-бүл нүүгээд ирчкв

Целинн районы партийн болн советск органс нүүдж ирцхэд жэх хальмг улсиг бүрдэмд жтэ сэн кевэр тосдж авч, тедниг даруд кōдлмшт орулхин тōлэ, ирсн өрк-бүл болгыниг пэтрэр тетгхин кергт, ююни болв чигн аргэ-эв олзлдж кōдлджэнэ. Ирсн улсиг цугтагыннь кучкōлсэри кōдлцхэд ж, мана Тōрскнд шулуггар тусан кūrгдг кех ик тōр.

Районы колхозмудт, совхозмудт болн МТС-г эн джил 890 хальмг өрк-бүл нүүдж ирхми. Энүнэс 291 өрк-бүл ирчкв. Эднэ тоод кōдлмшт йовд ж кōдлдж чадх 550 кун йовна. Эдн цугтан кōдлджэцхэнэ. Малин кōдлмшт 273 кун йовна. „Ленинский“ — совхозин хōбчир уурмуд Богтаев болн Сималиев, „Родина“ — колхозин чледуд хōбчир Церен Санджиев болн Дордж Каздуев ик сэн үзмд жтэ, тохнэтэ кевэр кōдлмшэн кучад ж, нааткседан улгур үзүлджэнэ. Эдн 100 хон болгынэс 115-135-д хургэ авцхав.

Районд нүүд ж ирцхэсн 140 өрк-бүл бээх герэр тетгдв, наадк өрк-бүлмүдн пэтрт бээцхэнэ. Нүүд ж ирцхэсн улст бээх гермуд тосххд 2 сай 200 мингын арслн, хуучн гермудиг ясхд 336 мингын арслн гарггдхми. 161 өрк-бүл эврэн бийсдэн бээх гер бэрд ж авх монг ссудар авцхад ж, гермудэн эклад тосхд жацхана.

Шин гермуд тосхх кергт 136 мингын шавр кирпич кегдв. „Ленинский“, „Балковский“ болн „Прудовый“ совхозмудт шавр кирпич белдлгын сэнэр

кегд жэнэ. Манд 257 мингын боодг хулсн, 6200 хулсна плит, 2190 кубометр чолун, 750 кубометр модн, 2440 лист шифер, 12 мингын тоосх, 640 квадрат метр терзин шил болн нань чигн кергтэ тоот хуллад авгдкен бээнэ. Тосхлтин 28 бригад бүрдэгдв. Энунд 207 тосхачнр кōдлдж йовна.

„Ленинский“, „Троицкий“ совхозмудин болн „Родина“ колхозин гардачнр нүүд ж ирсн улсиг сэн килмд жтэ кевэр тосдж, тедниг бээх пэтрэр, кōдлмшэр тетгцхэнэ. 56 өрк-бүл үкр, 40 өрк-бүл хō болн яма хулд ж авцхав.

Болв зэрм гардачнр болн партийн организац, нүүд ж ирцхэсн хальмг өрк-бүлмүдиг бээх газр-бээринь олдж, кōдлмшт тэвлгэнэ тōрмүдиг уда нар таслдж кучаггээд йовсн үзгдв. „Балковский“ — совхозин директор ур Монак ним йовдл гаргэв. Районы партин комитет тим йовдл гаргэдж болшго гидж энунд чанггар заав.

Нүүд ж ирцхэсн улс бээх герэр болн кōдлх кōдлмшэр ягд ж тетгдлж бээхинь партийн болн советск органс өдр болгын шүүд ж хэлэдж, тосхлт кеджэх улсин неквринь медж теднд дōн-тусан кūrгцхэд жэнэ.

Партийн, советск, профсоюзн организац цугтан чидлэн негдүлдж кōдлцхэх зōвтэ. Тигхлэ зуг, нүүд ж ирцхэсн улсиг цугтагыннь бээх сэн пэтрэр тетгд ж чадхвдн. Эн тōриг кучахд манд эв-аргэ бээнэ.

Ф. БУКРЕЕВ.

КПСС Целинн райкоми а сеглэтр.